



**МОНГОЛ УЛСЫН  
ҮНДЭСНИЙ БАТЛАН ХАМГААЛАХЫН  
ИХ СУРГУУЛИЙН ЗАХИРЛЫН  
ТУШААЛ**

2017 оны 04 сарын 13 өдөр

Дугаар А/85

Улаанбаатар хот

**Журам батлах тухай**

“Дээд боловсролын тухай” Монгол Улсын хуулийн 12.1.2, “Төсвийн тухай” хуулийн 16.5.5, “Батлан хамгаалахын их сургуулийн дүрэм”-ийн 6.5.1 дэх заалтуудыг тус тус үндэслэн ТУШААХ нь:

1. “Үндэсний батлан хамгаалахын их сургуулийн тэргүүний судлаач багш шалгаруулах журам”-ыг нэгдүгээр, “Эрдэм шинжилгээний ажилд амжилт гаргасан сонсогч, оюутанд тэтгэлэг олгох журам”-ыг хоёрдугаар хавсралтын ёсоор тус тус баталж, 2017 оны 4 дүгээр сарын 01-ний өдрөөс мөрдсүгэй.

2. Дээрх журмуудыг хэрэгжүүлж ажиллахыг Эрдэм шинжилгээ, нийгмийн түншлэлийн асуудал хариуцсан дэд захирал хурандаа Л.Батцэнгэл, бүрэлдэхүүн сургуулийн захирал нарт тус тус үүрэг болгосугай.

ЗАХИРАЛ  
ХОШУУЧ ГЕНЕРАЛ



Я.ЧОЙЖАМЦ



ҮБХИС-ийн захирлын 2017 оны 04 дүгээр сарын 13-ний өдрийн 18/05 дугаар тушаалын нэгдүгээр хавсралт

**ҮБХИС-ИЙН ТЭРГҮҮНИЙ СУДЛААЧ БАГШ ШАЛГАРУУЛАХ ЖУРАМ**

**Нэг. Нийтлэг үндэслэл**

- 1.1. Энэхүү журам нь Монгол Улсын үндэсний аюулгүй байдлыг хангах нийтлэг эрх ашигт нийцсэн цэргийн болон иргэний боловсрол, сургалт, эрдэм шинжилгээний тэргүүлэх менежменттэй судалгааны их сургууль болох эрхэм зорилгоо хэрэгжүүлэхтэй уялдан ҮБХИС-ийн профессор, багш, судлаачдын эрдэм шинжилгээ, судалгааны ажлын үр дүнг сургуулийн хэмжээнд хэлэлцэн урамшуулан дэмжиж, хөгжүүлэх ажлыг зохицуулна.
- 1.2. Журмын зорилго нь ҮБХИС-д ажиллаж байгаа профессор, багш, судлаачдын тухайн хичээлийн жилийн хугацаанд хийж гүйцэтгэсэн ажлын үр дүн, бүтээмж, тэдний ур чадвар, мэдлэг мэргэжлийн түвшинг бодитой үнэлж, урамшуулахад оршино.
- 1.3. “Судлаач багш” гэж боловсрол, сургалтын үйл ажиллагаанд оролцож хичээл заадаг, эрдэм шинжилгээний төсөл, суурь судалгаа, хэрэглээний судалгаа болон захиалгат ажлыг гүйцэтгэсэн, эрдэм шинжилгээний ажлын тодорхой арга зүйг суралцагчдад эзэмшүүлсэн орон тооны ажилтанг хэлнэ.

**Хоёр. Судлаач багш шалгаруулах ерөнхий үзүүлэлт**

- 2.1 Тухайн хичээлийн жилд ногдох багшийн харгалзах зэрэглэлийн нормт цагийг биелүүлж, сургалтын агуулгад нийцсэн холбогдох баримт бичгүүдийг хөтөлбөрийн дагуу бүрэн боловсруулж ашигласан байх.
- 2.2 Тухайн хичээлийн жилийн хугацаанд ёс зүй, хэв журмын болоод ажлын цаг ашиглалтын зөрчил гаргаагүй байх.

**Гурав. Судлаач багш шалгаруулах шалгуур үзүүлэлт**

- 3.1. Тухайн жилд бичиж хэвлүүлсэн ном, сурах бичиг, гарын авлага, орчуулсан бүтээл (ҮБХИС-ийн Эрдмийн зөвлөлийн хурлаар хэлэлцэгдэн зөвшөөрөгдсөн байх).
- 3.2. Шалгаруулалтын хугацаанд гүйцэтгэсэн эрдэм шинжилгээний ажил, бүтээлүүд:
  - Дотоод, гадаадын мэргэжлийн сэтгүүлд хэвлүүлсэн эрдэм шинжилгээний өгүүлэл /гадаадын индекстэй сэтгүүлд 1 удаа, индексгүй сэтгүүлд 1 удаа, дотоодын нэр хүндтэй мэргэжлийн болон ҮБХИС-иас эрхлэн гаргаж буй сэтгүүлд 2-оос доошгүй өгүүлэл хэвлүүлсэн байх/;
  - Нэг сэдэвт эрдэм шинжилгээний бүтээл, докторын диссертац;
  - Дотоод, гадаад, олон улсын эрдэм шинжилгээний хуралд тавьсан илтгэл /гадаадад 1-ээс доошгүй, дотоодод 3-аас доошгүй илтгэл тавьсан байх/;
  - Төсөл хөтөлбөр дээр ажилласан байдал /улсын хэмжээний ба олон улсын санхүүжилттэй төсөлд ажилласан байх ба тайлангаар баталгаажих/;
  - Оюутан, магистрын дипломын ажил удирдаж шүүмж өгсөн байдал /тухайн жилийн хугацаанд 2-оос доошгүй дипломын ажил удирдаж, шүүмж бичсэн байх ба үр дүнгээр баталгаажих/;
  - Төсөл, захиалгат ажил 1-ээс доошгүйг гүйцэтгэсэн байх;
  - Бусад ажилд оролцсон байдал.

**Дөрөв. Судлаач багшийг шалгаруулах ажлын зохион байгуулалт**

- 4.1. Судлаач багш шалгаруулах эхний шатны шалгаруулалтыг бүрэлдэхүүн сургууль дээр зохион байгуулна.
- 4.2. Бүрэлдэхүүн сургуулийн эрдмийн зөвлөл уг асуудлыг хэлэлцэж, ҮБХИС-ийн судлаач багшид нэр дэвшүүлнэ.
- 4.3. ҮБХИС-ийн оны тэргүүний судлаач багшид нэр дэвшигч дараах материалыг бүрдүүлсэн байна. Үүнд:
  - Эрдэм шинжилгээний ажлын товч тайлан (нотломжийн хамт);
  - Эрдэм шинжилгээний бүтээлүүд (тухайн хичээлийн жилд туурвисан);
  - Судлаач багшид нэр дэвшүүлэх асуудлыг хэлэлцсэн тэнхимийн багш нарын хурлын протокол;
  - Бүрэлдэхүүн сургуулийн эрдмийн зөвлөлийн хуралдааны протокол
- 4.4. Судлаач багшид нэр дэвшигчийн материалыг жил бүрийн 9 дүгээр сарын 20-ны дотор Эрдэм шинжилгээ, инновацийн хэлтэст хүлээн авна.
- 4.5. Судлаач багшийн шалгаруулалтыг ҮБХИС-ийн захирлын тушаалаар томилогдсон комисс явуулж, нэг багшийг шалгаруулна.
- 4.6. Судлаач багшийг шалгаруулахдаа комиссын гишүүдийн нууц санал хураалтаар хамгийн олон санал авсан дэс дарааллаар жагсаана.
- 4.7. Оны шилдэг судлаач багшийн урамшуулал болон батламжийг жил бүрийн шинжлэх ухааны ажилтны өдрөөр олгоно.
- 4.8. Шалгаруулалтын дүнг ҮБХИС-ийн захирлын тушаалаар баталгаажуулна.

**Тав. Урамшуулал**

- 5.1. Судлаач багшийн урамшуулал нь Батламж, түүнийг дагалдах мөнгөн шагнал байна.
- 5.2. Мөнгөн шагнал нь 3000000 /гурван сая/ хүртэл төгрөг байна.

\_\_\_\_\_ о О о \_\_\_\_\_

ҮБХИС-ийн захирлын 2017 оны 04 дүгээр сарын 2-ний өдрийн 2 дугаар тушаалын хоёрдугаар хавсралт



**ЭРДЭМ ШИНЖИЛГЭЭНИЙ АЖИЛД АМЖИЛТ ГАРГАСАН СОНСОГЧ, ОЮУТАНД ТЭТГЭЛЭГ ОЛГОХ ЖУРАМ**

**Нэг. Нийтлэг үндэслэл**

- 1.1. Энэхүү журам нь Монгол Улсын үндэсний аюулгүй байдлыг хангах нийтлэг эрх ашигт нийцсэн цэргийн болон иргэний боловсрол, сургалт, эрдэм шинжилгээний тэргүүлэх менежменттэй, судалгааны их сургууль болох эрхэм зорилгоо хэрэгжүүлэхэд сонсогч, оюутны оролцоо, эрдэм шинжилгээний ажлыг идэвхижүүлэхэд судалгааны ажлын үр дүнг сургуулийн хэмжээнд хэлэлцэн, урамшуулан дэмжих, хөгжүүлэх ажлыг зохицуулна.
- 1.2. Журмын зорилго нь ҮБХИС-ийн сонсогч, оюутны (цаашид “суралцагч” гэх) сурч боловсрох идэвхийг дээшлүүлэх, эрдэм шинжилгээ, судалгааны ажлын авъяас чадвар, хүсэл сонирхлыг нь урамшуулан дэмжих, хөгжүүлэхэд оршино.
- 1.3. Энэхүү журмын дагуу тухайн хичээлийн жилд сурлага, эрдэм шинжилгээний ажилд удирдагч багшийн тусламжтайгаар амжилттай оролцож судалгааны арга зүй эзэмшсэн, эрдэм шинжилгээний хуралд илтгэл тавьсан суралцагчдыг шалгаруулан тэтгэлэг олгоно.

**Хоёр. Тэтгэлгийн шалгуур үзүүлэлт**

- 2.1. Тэтгэлэгт хамрагдах суралцагчид дараах шаардлагыг хангасан байна. Үүнд:
  - Сүүлийн 2 улирал дараалан 3,0 ба түүнээс дээш голч дүнтэй суралцсан байх;
  - Тодорхой сэдвийн хүрээнд профессор, багш, судлаачдын удирдлагын дор салбарын төсөл болон захиалгат, гэрээт эрдэм шинжилгээний ажлыг гүйцэтгэх судалгааны багт оролцсон байх;
  - Оюутны зохион бүтээсэн бүтээл, эрдэм шинжилгээний олон улсын болон бусад их, дээд сургуулийн хэмжээнд тавигдсан илтгэл нь уралдаанд шалгарсан байх;
  - Эрдэм шинжилгээний ажилд дур сонирхолтой, авъяас чадвартай сонсогч, оюутан болохыг мэргэжлийн эрдэмтэд, суралцагчдын хамт олон тодорхойлсон байх;
  - Сонсогч, оюутны эрдэм шинжилгээний ажлыг өөрийн сургуулийн профессор, багш нараар удирдуулсан байх.
- 2.2. Суралцагч нь суралцах хугацаандаа сургуулийн дүрмийг сахиж ёс зүйн болоод гэмт хэргийн зөрчил гаргаагүй байх.
- 2.3. Сонсогч, оюутны бусад тэтгэлэгт хамрагдаагүй байх.
- 2.4. Суралцагчийн судалгааны ажлын үр дүн нь хэвлэн нийтлэгдсэн, үйл ажиллагаа, практикт нэвтэрсэн, шинэ бүтээл, ашигтай загварын гэрчилгээ авсан бол онцгойлон үзэх үндэслэл болно.

**Гурав. Тэтгэлэгийг шалгаруулах ажлын зохион байгуулалт**

- 3.1. Энэхүү журмын тэтгэлэгийн болзол хангасан суралцагчийн нэрийг тэнхимийн хурлаас нэр дэвшүүлж, бүрэлдэхүүн сургуулийн захиргаа, сонсогч, оюутны

холбооны хамтарсан хурлаар хэлэлцүүлж, протоколын хамт Эрдэм шинжилгээ, инновацийн хэлтэст ирүүлнэ.

- 3.2. Бүрэлдэхүүн сургууль тус бүр тэтгэлэгт хамрагдах шаардлага хангасан 3 хүртэл суралцагчийг тодорхойлно. Тодорхойлолтыг хичээлийн жилийн хоёрдугаар хагаст 5 дугаар сарын 1-ээс 5 дугаар сарын 31-ний хооронд Эрдэм шинжилгээ, инновацийн хэлтэст ирүүлнэ.
- 3.3. Тэтгэлэгт хамрагдах суралцагчийн шалгаруулалтыг жил бүр зохион байгуулж сургуулийн хэмжээнд 5 хүртэлх сонсогч, оюутныг шалгаруулах бөгөөд тэтгэлэгийг хичээлийн жилд нэг удаа олгоно.
- 3.4. ҮБХИС-ийн захирлын тушаалаар батлагдсан комисс тэтгэлэг олгох суралцагчийн шалгаруулалтыг хэлэлцэж, их сургуулийн захирлын тушаалаар баталгаажуулна.
- 3.5. Тэтгэлгийг хичээлийн жилийн нээлтийн ажиллагааг дээр гардуулна.

**Дөрөв. Тэтгэлэг**

- 4.1. Тэтгэлэг нь батламж, түүнийг дагалдах мөнгөн урамшуулал байна.
- 4.2. Мөнгөн урамшуулал нь тухайн хичээлийн жилийн сургалтын төлбөрийн 50 хүртэл хувь байна.

\_\_\_\_\_ о О о \_\_\_\_\_